

Krizni štab Ministarstva zdravstva Kantona Sarajevo u cilju daljnjeg praćenje situacije i poduzimanje mjera radi sprečavanja i ranog otkrivanja eventualnog slučaja bolesti izazvane novim koronavirusom (COVID -19), koja je Zaključkom Vlade Federacije BiH, V. broj 164/2020 od 31.01.2020. godine proglašena zaraznom bolešću čije je sprečavanje i suzbijanje od interesa za Federaciju BiH, na 22. sjednici održanoj 14.07.2020. godine, sukladno odredbi tačke 9. Naredbe Kriznog štab Federalnog ministarstva zdravstva broj: 01-33-3764/20 od 26.06.2020. godine, Krizni štab Ministarstva zdravstva Kantona Sarajevo za praćenje i analizu situacije izazvane novim Coronavirusom (COVID -19), donosi

N A R E D B U

Nalaže se obavezno korištenje zaštitnih maski za lice do donošenja nove naredbe ili prestanka važenja iste, kako slijedi:

1. Nalaže se svim pacijentima i njihovoj pratnji da prilikom ulaska i boravka u zdravstvenim ustanovama na području Kantona Sarajevo, obavezno kontinuirano nošenje zaštitne maske (ne odnosi se na hospitalizirane pacijente).
2. Nalaže se svim zaposlenicima javnih i privatnih gerontoloških centara, kao i drugih socijalnih ustanova koje zbrinjavaju lica kojima je potrebna stalna briga i pomoć obavezni su kontinuirano da nose zaštitne maske tokom rada. Službene osobe koje tokom obavljanja svojih radnih zadataka posjećuju socijalne ustanove iz odredbe tačke 2. ove naredbe, obavezni su da tokom ulaska i kontakta sa korisnicima i zaposlenicima socijalnih ustanova kontinuirano nose zaštitnu masku.
3. Nalaže se svim zaposlenicima u javno-gradskom saobraćaju, na području Kantona Sarajevo, taksi vozilima, kao i putnicima da obavezo tokom obavljanja prijevoza kontinuirano nose zaštitne maske.
4. Nalaže se svim prodavcima na otvorenim pijacama, tokom rada, kao i kupcima tokom posjete i kupovine na istim da obavezno kontinuirano nose zaštitne maske.
5. Nalaže se svim zaposlenicima u objektima trgovačke i uslužne djelatnosti, kao i kupcima/posjetiocima, za vrijeme boravka u istim, obavezno kontinuirano nosešenje zaštitne maske.
6. Nalaže se svim zaposlenicima u ugostiteljskoj djelatnosti koji dolaze u kontakt sa gostima ili sudjeluju u posluživanju pripreme hrane i pića da obavezno kontinuirano nose zaštitne maske.
7. Nalaže se svim zaposlenicima fakulteta i akademije, kao i studentima, obavezno tokom trajanja ispita i drugih aktivnosti na istim, kontinuirano nošenje zaštitne maske.
8. Nalaže se svim posjetiteljima javnih skupova na otvorenom u Kantonu Sarajevo, ukoliko nije moguće obezbijediti propisanu distancu od najmanje 2 metra, obavezno kontinuirano nošenje zaštitne maske. Na javnim skupovima u zatvorenom prostoru obavezno je nošenje zaštitnih maski svo vrijeme trajanja skupa.
9. Ova Naredba stupa na snagu danom donošenja.

10. Ova Naredba se primjenjuje od 16.07.2020. godine, sa rokom važenja 14 dana računajući od dana njene primjene.
11. Postupanje u suprotnosti sa mjerama iz ove Naredbe predstavlja kršenje odredaba Zakona o zaštiti stanovništva od zaraznih bolesti FBiH ("Službene novine FBiH" br. 29/05) i povlači sve zakonom propisane sankcije protiv prekršilaca.

Broj: 47-20/2020
Sarajevo, 14. juli 2020. godine



Predsjednica Kriznog štaba KMZ

Prof. dr. sci. med. Aida Pilav